



तमसो मा ज्योतिर्गमय

VISVA BHARATI
LIBRARY
SANTINIKETAN

T 1

27

Gr-71

শিশু ভোলানাথ

রবীন্দ্রনাথ ঠাকুর



বিশ্বভারতী গ্রন্থনবিভাগ
কলিকাতা

প্রকাশ ১৯২২
পুনর্মুদ্রণ আশ্বিন ১৩৩৮
সংস্করণ আষাঢ় ১৩৫০
পুনর্মুদ্রণ পৌষ ১৩৫২, মাঘ ১৩৫৫, চৈত্র ১৩৫৬, পৌষ ১৩৫৮, মাঘ ১৩৬০
আশ্বিন ১৩৬২, শ্রাবণ ১৩৬৪, জ্যৈষ্ঠ ১৩৬৭, মাঘ ১৩৬৮, অগ্রহায়ণ ১৩৭০
বৈশাখ ১৩৭২, ফাল্গুন ১৩৭৪, ফাল্গুন ১৩৭৭, অগ্রহায়ণ ১৩৮১
চৈত্র ১৩৮৪, মাঘ ১৩৮৭, আষাঢ় ১৩৯০, আষাঢ় ১৩৯২
বৈশাখ ১৩৯৪, অগ্রহায়ণ ১৩৯৫
শ্রাবণ ১৩৯৭, ভাদ্র ১৪০১
চৈত্র ১৪০৩

© বিশ্বভারতী

ISBN-81-7522-048-1

প্রকাশক শ্রীঅশোক মুখোপাধ্যায়
বিশ্বভারতী। ৬ আচার্য জগদীশ বসু রোড। কলকাতা ১৭

মুদ্রক শ্রীজয়ন্ত বাক্টি
পি. এম. বাক্টি আন্ড কোম্পানি প্রাইভেট লিমিটেড
১৯ গুলু ওস্তাগর লেন। কলকাতা ৬

শিরোনাম-সূচী

অক্ল মা	৬১
ইচ্ছামতী	৫৮
খেলা-ভোলা	৩৯
ঘূমের তব	৭০
জ্যোতিষী	৩৬
তালগাছ	১৮
দুই আমি	৭৩
দুয়োরানী	৬৪
দূর	৫০
দুই	৫৬
পথহারা	৪২
পুতুল ভাঙা	২৮
বাউল	৫২
বাণীবিনিময়	৭৯
বুড়ি	২০
বৃষ্টি রৌদ্র	৮২
মনে পড়া	২৬
মর্তবাসী	৭৫
মুখ	৩০
রসিবাব	২৩
রাজমিস্ত্রি	৬৭
রাজা ও রানী	৪৮

শিশু ভোজানାথ	৯
শিশুর জীবন	১১
সংশয়ী	৪৬
সময়হারা	২৫
সাত-সমুদ্র-পারে	৩৪

প্রথম ছত্রের সূচী

আজকে আমি কত দূর যে	৪২
আমার মা না হয়ে তুমি	৬১
ইচ্ছে করে, মা, যদি তুই	৬৩
এক যে ছিল চাঁদের কোণায়	২০
এক যে ছিল রাজা	৪৮
ওই-যে বাতের তারা	৩৬
ওরে মোর শিশু ভোলানাথ	২
কাকা বলেন, সময় হলে	৭৫
কোথায় যেতে ইচ্ছে করে	৪৬
ছোটো ছেলে হওয়ার সাহস	১১
জাগার থেকেই ঘুমোই, আবার	৭০
ঝুঁটিবাধা ডাকাত সেজে	৮২
তালগাছ এক পারে দাঁড়িয়ে	১৮
তুই কি ভাবিস, দিনরাত্তির	৩২
তোমার কাছে আমিই তুষ্টি	৫৬
দূরে অশথতলায়	৫২
দেখছ না কি নীল মেঘে আজ	৩৪
নেই বা হলেম যেমন তোমার	৩০
পুজোর ছুটি আসে যখন	৫০
বয়স আমার হবে তিরিশ	৬৭
বৃষ্টি কোথায় মুকিয়ে বেড়ায়	৭৩
মাকে আমার পড়ে না মনে	২৬

মা, যদি তুই আকাশ হতিস	৭২
যখন যেমন মনে করি	৫৮
যত ঘণ্টা, যত মিনিট	২৫
‘লাত আট্টে সাতাশ’ আমি	২৮
সোম মঙ্গল বুধ এরা সব	২৩

শিশু ভোলা নাথ

শিশু ভোলানাথ

ওরে মোর শিশু ভোলানাথ,
তুলি ছুই হাত
যেখানে করিস পদপাত
বিষম তাণ্ডবে তোর লগুভগু হয়ে যায় সব ;
আপন বিভব
আপনি করিস নষ্ট হেলাভরে ।
প্রলয়ের ঘূর্ণচক্র-’পরে
চূর্ণ খেলেনার ধূলি উড়ে দিকে দিকে ;
আপন সৃষ্টিকে
ধ্বংস হতে ধ্বংসমাঝে মুক্তি দিস অনর্গল,
খেলাবে করিস রক্ষা ছিন্ন করি খেলেনা-শৃঙ্খল ।

অকিঞ্চন, তোর কাছে কিছুরই তো কোনো মূল্য নাই,
রচিস যা-তোর-ইচ্ছা তাই
যাহা-খুশি তাই দিয়ে,
তার পর ভুলে যাস যাহা-ইচ্ছা তাই নিয়ে ।
আবরণ তোরে নাহি পারে সম্বরিতে দিগম্বর—
অস্ত ছিন্ন পড়ে ধূলি-’পর ।

শিশু ভোলানাথ

লজ্জাহীন, সজ্জাহীন, বিস্তহীন, আপনা-বিস্মৃত—

অন্তরে ঐশ্বর্য তোর, অন্তরে অমৃত ।

দারিদ্র্য করে না দীন, ধূলি তোরে করে না অশুচি—

নৃত্যের বিকোভে তোর সব গ্রানি নিত্য যায় স্মৃতি ।

ওরে শিশু ভোলানাথ, মোরে ভক্ত ব'লে

নে রে তোর তাণ্ডবের দলে ;

দে রে চিন্তে মোর

সকল-ভোলার ওই ঘোর,

খেলেনা-ভাঙার খেলা দে আমারে বলি ।

আপন সৃষ্টির বন্ধ আপনি ছিঁড়িয়া যদি চলি

তবে তোর মস্ত নর্তনের চালে

আমার সকল গান ছন্দে ছন্দে মিলে যাবে তালে ।

শিশুর জীবন

ছোটো ছেলে হওয়ার সাহস
আছে কি এক ফোঁটা,
তাই তো এমন বুড়ো হয়েই মরি ।
তিলে তিলে জমাই কেবল,
জমাই এটা ওটা,
পলে পলে বাস্তু বোঝাই করি ।
কালকে-দিনের ভাবনা এসে
আজ দিনেরে মারলে ঠেসে,
কাল তুলি ফের পরদিনের বোঝা ।
সাধের জিনিস ঘরে এনেই
দেখি এনে ফল কিছু নেই—
খোঁজের পরে আবার চলে খোঁজা ।

স্ববিষ্মতের ভয়ে ভীত
দেখতে না পাই পথ,
তাকিয়ে থাকি পরশুদিনের পানে ।

শিশুর জীবন

ভবিষ্যৎ তো চিরকালই

থাকবে ভবিষ্যৎ,

ছুটি তবে মিলবে বা কোন্‌খানে ?

বুদ্ধিদীপের আলো জ্বালি,

হাওয়ায় শিখা কাঁপছে ঝালি—

হিসেব ক'রে পা টিপে পথ হাঁটি ।

মন্ত্রণা দেয় কতজন—

স্বপ্ন বিচার-বিবেচনা,

পদে পদে হাজার খুঁটিনাটি ।

শিশু হবার ভরসা আবার

জাগুক আমার প্রাণে,

লাগুক হাওয়া নির্ভাবনার পালে,

ভবিষ্যতের মুখোশখানা

খসাব এক টানে,

দেখব তারেই বর্তমানের কালে ।

ছাদের কোণে পুকুর-পাড়ে

জানব নিত্য-অজানারে,

মিশিয়ে রবে অচেনা আর চেনা ;

জমিয়ে ধুলো সাজিয়ে ঢেলা

তৈরি হবে আমার খেলা,

সুখ রবে মোর বিনামূল্যেই কেনা ।

শিশুর জীবন

বড়ো হবার দায় নিয়ে এই
বড়োর হাটে এসে
নিত্য চলে ঠেলাঠেলির পালা
ষাবার বেলায় বিশ্ব আমার
বিকিয়ে দিয়ে শেষে
শুধুই নেব ফাঁকা কথার ডালা !
কোন্টা সস্তা কোন্টা দামী
ওজন করতে গিয়ে আমি
বেলা আমার বইয়ে দেব দ্রুত—
সন্ধ্যা যখন আঁধার হবে
হঠাৎ মনে লাগবে তবে
কোনোটাই না হল মনঃপূত ।

বাল্য দিয়ে যে জীবনের
আরম্ভ হয় দিন
বাল্যে আবার হোক-না তাহা সারা ।
জলে স্থলে সঙ্গ আবার
পাক্-না বাঁধন-হীন,
ধুলায় ফিরে আশুক-না পথহারা ।
সম্ভাবনার ডাঙা হতে
অসম্ভবের উতল স্রোতে
দিই-না পাড়ি স্বপন-তরী নিয়ে ।

শিশুর জীবন

আবার মনে বুঝি-না এই
বস্তু ব'লে কিছুই তো নেই—
বিশ্ব গড়া যা-খুশি-তাই দিয়ে

প্রথম যেদিন এসেছিলেম
নবীন পৃথীতলে
রবির আলোয় জীবন মেলে দিয়ে,
সে যেন কোন্ জগৎ-জোড়া
ছেলেখেলার ছলে,
কোথাথেকে কেই বা জানে কী এ !
শিশির যেমন, রাতে রাতে
কে যে তারে লুকিয়ে গাঁথে—
ঝিল্লি বাজায় গোপন ঝিনিঝিনি !
ভোরবেলা যেই চেয়ে দেখি,
আলোর সঙ্গে আলোর এ কী
ইশারাতে চলছে চেনাচিনি !

সেদিন মনে জেনেছিলেম,
নীল আকাশের পথে
ছুটির হাওয়ায় ঘুর লাগালো বুঝি !

শিশুর জীবন

যা-কিছু সব চলেছে ওই

ছেলেখেলার রথে

যে যার আপন দোসর খুঁজি খুঁজি ।

গাছে খেলা ফুল-ভরানো,

ফুলে খেলা ফল-ধরানো,

ফলের খেলা অঙ্কুরে অঙ্কুরে ।

স্থলের খেলা জলের কোলে,

জলের খেলা হাওয়ার দোলে,

হাওয়ার খেলা আপন বাঁশির সুরে ।

ছেলের সঙ্গে আছ তুমি

নিত্য ছেলেমানুষ

নিয়ে তোমার মাল-মসলার ঝুলি ।

আকাশেতে ওড়াও তোমার

কতরকম ফাফুস,

মেঘে বোলাও রঙ-বেরঙের তুলি ।

সেদিন আমি আপন-মনে

ফিরেছিলেম তোমার সনে,

খেলেছিলেম হাত মিলিয়ে হাতে ।

ভাসিয়েছিলেম রাশি রাশি

কথায়-গাঁথা কাগা হাসি

তোমারই সব ভাসান খেলার সাথে ।

শিশুর জীবন

ঋতুর তরী বোঝাই কর
রঙিন ফুলে ফুলে,
কালের স্রোতে যায় তারা সব ভেসে
আবার তারা ঘাটে লাগে
হাওয়ায় ছলে ছলে
এই ধরণীর কূলে কূলে এসে।
মিলিয়েছিলেম বিশ্বভালায়
তোমার কূলে আমার মালায়,
সাজিয়েছিলেম ঋতুর তরনীতে—
আশা আমার আছে মনে,
বকুল কেয়া শিউলি-সনে
ফিরে ফিরে আসবে ধরণীতে।

সেদিন যখন গান গেয়েছি
আপন-মনে নিজে,
বিনা কাজে দিন গিয়েছে চলে,
তখন আমি চোখে তোমার
হাসি দেখেছি যে—
চিনেছিলে আমায় সাধি ব'লে।
তোমার ধুলো তোমার আলো
আমার মনে লাগত ভালো,
শুনেছিলেম উদাস-করা বাঁশি।

শিশুর জীবন

বুঝেছিলে সে ফাস্তনে
আমার সে গান শুনে শুনে
তোমারও গান আমি ভালোবাসি ।

দিন গেল, ওই মাঠে বাটে
আঁধার নেমে প'ল ;
এ পার থেকে বিদায় মেলে যদি
তবে তোমার সন্ধেবেলার
খেয়াতে পাল তোলো,
পার হব এই হাটের ঘাটের নদী ।
আবার ওগো শিশুর সাথি,
শিশুর ভুবন দাও তো পাতি,
করব খেলা তোমায় আমায় একা ।
চেয়ে তোমার মুখের দিকে
তোমায়— তোমার জগৎটিকে--
সহজ চোখে দেখব সহজ দেখা ।

৪ কার্তিক ১০২৮

তালগাছ

তালগাছ এক পায়ে দাঁড়িয়ে
সব গাছ ছাড়িয়ে
উকি মারে আকাশে ।

মনে সাধ কালো মেঘ ফুঁড়ে যায়—
একেবারে উড়ে যায়—
কোথা পাবে পাখা সে ?

তাই তো সে ঠিক তার মাথাতে
গোল গোল পাতাতে
ইচ্ছাটি মেলে তার

মনে মনে ভাবে বুঝি ডানা এই,
উড়ে যেতে মানা নেই
বাসাখানি ফেলে তার ।

ভালগাছ

সারা দিন ঝরঝরু থথর
 কাঁপে পাতা-পত্তর,
 ওড়ে যেন ভাবে ও,
মনে মনে আকাশেতে বেড়িয়ে
 তারাদের এড়িয়ে
 যেন কোথা যাবে ও ।

তার পরে হাওয়া যেই নেমে যায়,
 পাতা-কাঁপা থেমে যায়,
 ফেরে তার মনটি—
যেই ভাবে মা যে হয় মাটি তার,
 ভালো লাগে আরবার
 পৃথিবীর কোণটি ।

২ কার্তিক ১৩২৮

বুড়ি

এক যে ছিল চাঁদের কোণায়
চরকা-কাটা বুড়ি
পুরাণে তার বয়স লেখে
সাতশো হাজার কুড়ি ।
সাদা স্নাতোয় জাল বোনে সে,
হয় না বুনোন সারা—
পল ছিল তার ধরবে জালে
লক্ষ কোটি তারা ।

হেনকালে কখন আঁখি
পড়ল ঘুমে ঢুলে,
স্বপনে তার বয়সখানা
বেবাক গেল ভুলে ।
ঘুমের পথে পথ হারিয়ে
মায়ের কোলে এসে
পূর্ণ চাঁদের হাসিখানি
ছড়িয়ে দিল হেসে ।

বুড়ি

সন্ধেবেলায় আকাশ চেয়ে

কী পড়ে তার মনে !

চাঁদকে করে ডাকাডাকি,

চাঁদ হাসে আর শোনে ।

যে পথ দিয়ে এসেছিল

স্বপন-সাগর-তীরে

দু হাত তুলে সে পথ দিয়ে

চায় সে যেতে ফিরে ।

হেনকালে মায়ের মুখে

যেমনি আঁখি তোলে

চাঁদে ফেরার পথখানি যে

তক্খনি সে ভোলে ।

কেউ জানে না কোথায় বাসা,

এল কী পথ বেয়ে—

কেউ জানে না এই মেয়ে সেই

আজিকালের মেয়ে ।

বয়সখানার খ্যাতি তবু

রইল জগৎ জুড়ি—

পাড়ার লোকে যে দেখে সেই

ডাকে 'বুড়ি বুড়ি' ।

বুড়ি

সব চেয়ে যে পুরানো সে
কোন্ মস্তুর বলে
সব চেয়ে আজ নতুন হয়ে
নামল ধরাতলে !

১৫ ভাদ্র ১৩২৮

রবিবার

সোম মঙ্গল বুধ এরা সব
আসে তাড়াতাড়ি,
এদের ঘরে আছে বুঝি
মস্ত হাওয়া-গাড়ি ?
রবিবার সে কেন, মা গো,
এমন দেরি করে ?
ধীরে ধীরে পৌঁছয় সে
সকল বারের পরে ।
আকাশ-পারে তার বাড়িটি
দূর কি সবার চেয়ে ?
সে বুঝি মা, তোমার মতো
গরিব-ঘরের মেয়ে ?

সোম মঙ্গল বুধের খেয়াল
থাকবারই জ্ঞেই,
বাড়ি-ফেরার দিকে ওদের
একটুও মন নেই ।

রবিবার

রবিবারকে কে যে এমন
বিষম তাড়া করে,
ঘণ্টাগুলো বাজায় যেন
আধ ঘণ্টার পরে ।
আকাশ-পারে বাড়িতে তার
কাজ আছে সব চেয়ে—
সে বুঝি মা, তোমার মতো
গরিব-ঘরের মেয়ে ?

সোম মঙ্গল বুধের যেন
মুখগুলো সব হাঁড়ি,
ছোটো ছেলের সঙ্গে তাদের
বিষম আড়াআড়ি ।
কিন্তু শনির রাতের শেষে
যেমনি উঠি জেগে
রবিবারের মুখে দেখি
হাসিই আছে লেগে ।
যাবার বেলায় যায় সে কেঁদে
মোদের মুখে চেয়ে—
সে বুঝি মা, তোমার মতো
গরিব-ঘরের মেয়ে ?

সময়হারা

যত ঘণ্টা, যত মিনিট, সময় আছে যত
শেষ যদি হয় চিরকালের মতো,
তখন স্কুলে নেই বা গেলেম ; কেউ যদি কয় মন্দ,
আমি বলব, 'দশটা বাজাই বন্ধ ।'
তাধিন তাধিন তাধিন ।

শুই নে বলে রাগিস যদি আমি বলব তোরে,
'রাত না হলে রাত হবে কী করে—
নটা বাজাই থামল যখন কেমন করে শুই ?
দেরি বলে নেই তো মা কিছুই ।'
তাধিন তাধিন তাধিন ।

যত জানিস রূপকথা, মা, সব যদি যাস ব'লে
রাত হবে না, রাত যাবে না চলে ;
সময় যদি ফুরোয় তবে ফুরোয় না তো খেলা,
ফুরোয় না তো গল্প বলার বেলা ।
তাধিন তাধিন তাধিন ।

মনে পড়া

মাকে আমার পড়ে না মনে ।

শুধু কখন খেলতে গিয়ে

হঠাৎ অকারণে

একটা কী সুর শুনিয়ে

কানে আমার বাজে,

মায়ের কথা মিলায় যেন

আমার খেলার মাঝে ।

মা বুঝি গান গাইত আমার

দোলনা ঠেলে ঠেলে—

মা গিয়েছে, যেতে যেতে

গানটি গেছে ফেলে ।

মাকে আমার পড়ে না মনে ।

শুধু যখন আশ্বিনেতে

ভোরে শিউলিবনে

শিশির-ভেজা হাওয়া বেয়ে

ফুলের গন্ধ আসে,

তখন কেন মায়ের কথা

আমার মনে ভাসে ।

মনে পড়া
কবে বুঝি আনত মা সেই
ফুলের সাজি বয়ে—
পুজোর গন্ধ আসে যে তাই
মায়ের গন্ধ হয়ে।

মাকে আমার পড়ে না মনে।
শুধু যখন বসি গিয়ে
শোবার ঘরের কোণে,
জানলা থেকে তাকাই দূরে
নীল আকাশের দিকে,
মনে হয় মা আমার পানে
চাইছে অনিমিখে।
কোলের 'পরে ধ'রে কবে
দেখত আমায় চেয়ে—
সেই চাউনি রেখে গেছে
সারা আকাশ ছেয়ে।

পুতুল ভাঙা

‘সাত আট্টে সাতাশ’ আমি
বলেছিলেম ব’লে
গুরুমশায় আমার ‘পরে
উঠল রাগে জ্বলে।
মা গো, তুমি পাঁচ পয়সায়
এবার রথের দিনে
সেই-যে রঙিন পুতুলখানি
আপনি দিলে কিনে
খাতার নীচে ছিল ঢাকা ;
দেখালে এক ছেলে,
গুরুমশায় রেগেমেগে
ভেঙে দিলেন ফেলে।
বললেন, ‘তোর দিনরাত্তির
কেবল যত খেলা।
একটুও তোর মন বসে না
পড়াশুনোর বেলা।’

পুতুল ভাঙা

মা গো, আমি জানাই কাকে ?

ওঁর কি গুরু আছে ?

আমি যদি নালিশ করি

একুখনি তাঁর কাছে ?

কোনোরকম খেলার পুতুল

নেই কি, মা, ওঁর ঘরে ?

সত্যি কি ওঁর একটুও মন

নেই পুতুলের 'পরে ?

সকাল-সাঁজে তাদের নিয়ে

করতে গিয়ে খেলা

কোনো পড়ায় করেন নি কি

কোনোরকম হেলা ?

ওঁর যদি সেই পুতুল নিয়ে

ভাঙেন কেহ রাগে,

বল্ দেখি মা, ওঁর মনে তা

কেমনতরো লাগে ।

৯ আশ্বিন ১৩২৮

মুখু

নেই বা হলেম যেমন তোমার

অস্থিকে গৌসাই ।

আমি তো, মা, চাই নে হতে

পণ্ডিতমশাই ।

নাই যদি হই ভালো ছেলে,

কেবল যদি বেড়াই খেলে,

তুঁতের ডালে খুঁজে বেড়াই

গুটিপোকার গুটি,

মুখু হয়ে রইব তবে ?

আমার তাতে কীই বা হবে—

মুখু যারা তাদেরই তো

সমস্তখন ছুটি ।

তারাই তো সব রাখাল ছেলে

গোরু চরায় মাঠে ।

নদীর ধারে বনে বনে

তাদের বেলা কাটে ।

মুখ

ডিঙির 'পরে পাল তুলে দেয়,
চেউয়ের মুখে নাও খুলে দেয়,
ঝাউ কাটিতে যায় চলে সব

নদীপারের চরে ।

তারাই মাঠে মাচা পেতে
পাখি তাড়ায় ফসল-খেতে,
বাঁকে করে দই নিয়ে যায়
পাড়ার ঘরে ঘরে ।

কাস্তে হাতে, চুব্‌ড়ি মাথায়,
সন্ধে হলে পরে
ফেরে গাঁয়ে কৃষাণ-ছেলে—

মন যে কেমন করে ।

যখন গিয়ে পাঠশালাতে
দাগা বুলোই খাতার পাতে,
গুরুমশাই ছপুরবেলায়
ব'সে ব'সে ঢোলে,
হাঁকিয়ে গাড়ি কোন্‌ গাড়োয়ান
মাঠের পথে যায় গেয়ে গান—
শুনেন আমি পণ করি যে
মুখ হব ব'লে ।

মুখ

ছপুরবেলায় চিল ডেকে যায়,
হঠাৎ হাওয়া আসি
বাঁশ-বাগানে বাজায় যেন
সাপ-খেলাবার বাঁশি।
পূবের দিকে বনের কোলে
বাদল-বেলায় আঁচল দোলে,
ডালে ডালে উছলে ওঠে
শিরীষফুলের ঢেউ।
এরা যে পাঠ-ভোলার দলে
পাঠশালা সব ছাড়তে বলে—
আমি জানি এরা তো, মা,
পণ্ডিত নয় কেউ।

যাঁরা অনেক পুঁথি পড়েন
তাঁদের অনেক মান,
ঘরে ঘরে সবার কাছে
তাঁরা আদর পান।
সঙ্গে তাঁদের ফেরে চেলা,
ধুমধামে যায় সারা বেলা—
আমি তো, মা, চাই নে আদর
তোমার আদর ছাড়া।

মুখ

তুমি যদি মুখ ব'লে
আমাকে, মা, না নাও কোলে
তবে আমি পালিয়ে যাব
বাদলা-মেঘের পাড়া

সেখান থেকে বৃষ্টি হয়ে
ভিজিয়ে দেব চুল,
ঘাটে যখন যাবে, আমি
করব হুলুস্থল ।
রাত থাকতে অনেক ভোরে
আসব নেমে আঁধার ক'রে,
ঝড়ের হাওয়ায় ঢুকব ঘরে
দুয়ার ঠেলে ফেলে :
তুমি বলবে মেলে আঁখি
'হুঁ দেয়া খেপল নাকি',
আমি বলব 'খেপেছে আজ
তোমার মুখু' ছেলে' ।

১০ আশ্বিন ১৩২৮

সাত-সমুদ্র-পারে

দেখছ না কি নীল মেঘে আজ

আকাশ অঙ্ককার ?

সাত-সমুদ্র তেরো-নদী

আজকে হব পার।

নাই গোবিন্দ, নাই মুকুন্দ,

নাইকো হরিশ খোড়া—

তাই ভাবি যে কাকে আমি

করব আমার ঘোড়া।

কাগজ ছিঁড়ে এনেছি এই

বাবার খাতা থেকে,

নৌকো দে-না বানিয়ে— অমনি

দিস মা, ছবি এঁকে।

রাগ করবেন বাবা বুঝি

দিল্লি থেকে ফিরে ?

ততক্ষণ যে চলে যাব

সাত-সমুদ্র-তীরে।

সাত-সমুদ্র-পারে

এমনি কি তোর কাজ আছে মা—

কাজ তো রোজই থাকে ।

বাবার চিঠি একখুনি কি

দিতেই হবে ডাকে ?

নাই বা চিঠি ডাকে দিলে,

আমার কথা রাধো—

আজকে নাই বাবার চিঠি

মাসি লিখুন-নাকো ।

আমার এ যে দরকারি কাজ,

বুঝতে পার না কি ।

দেরি হলেই একেবারে

সব যে হবে ফাঁকি !

মেঘ কেটে যেই রোদ উঠবে

বৃষ্টি বন্ধ হলে,

সাত-সমুদ্র তেরো-নদী

কোণায় যাবে চলে ।

১০ আশ্বিন ১৩২৮

জ্যোতিষী

ওই-যে রাতের তারা
জানিস কি মা, কারা ?
সারাটি খন ঘুম না জানে,
চেয়ে থাকে মাটির পানে
যেন কেমনধারা ।
আমার যেমন নেইকো ডানা,
আকাশ-পানে উড়তে মানা,
মনটা কেমন করে,
তেমনি ওদের পা নেই ব'লে
পারে না যে আসতে চলে
এই পৃথিবীর 'পরে ।

সকালে যে নদীর বাঁকে
জল নিতে যাস কলসি কাঁধে
সজনেতলার ঘাটে,
সেখায় ওদের আকাশ থেকে
আপন ছায়া দেখে দেখে
সারা পহর কাটে ।

জ্যোতিষী

ভাবে ওরা চেয়ে চেয়ে
'হতেম যদি গাঁয়ের মেয়ে
তবে সকাল-সাঁজে
কলসিখানি ধরে বুকে
সাঁতরে নিতেম মনের সুখে
ভরা নদীর মাঝে' ।

আর, আমাদের ছাতের কোণে
তাকায়, যেথা গভীর বনে
রাক্ষসদের ঘরে
রাজকন্যা ঘুমিয়ে থাকে—
সোনার কাঠি ছুঁইয়ে তাকে
জাগাই শয্যা-পরে !
ভাবে ওরা, আকাশ ফেলে
হ'ত যদি তোমার ছেলে,
এইখানে এই ছাতে
দিন কাটাত খেলায় খেলায়,
তার পরে সেই রাতের বেলায়
ঘুমোত তোর সাথে ।

জ্যোতিষী

যেদিন আমি নিষুত রাতে
হঠাৎ উঠি বিছানাতে
 স্বপন থেকে জেগে,
জান্‌লা দিয়ে দেখি চেয়ে,
তারাগুলি আকাশ ছেয়ে
 ঝাপসা আছে মেঘে ।
ব'সে ব'সে ক্ষণে ক্ষণে
সেদিন আমার হয় যে মনে
 ওদের স্বপ্ন ব'লে ।
অন্ধকারের ঘুম লাগে যেই
ওরা আসে সেই পহরেই,
 ভোরবেলা যায় চলে—
আঁধার রাতি অন্ধ ও যে—
দেখতে না পায়, আলো খোঁজে—
 সবই হারিয়ে ফেলে—
তাই আকাশে মাহুর পেতে
সমস্ত খন স্বপনেতে
 দেখা-দেখা খেলে ।

১০ আশ্বিন ১৩২৮

খেলা-ভোলা

তুই কি ভাবিস, দিনরাত্তির

খেলতে আমার মন ?

ককখনো তা সত্যি না মা,

আমার কথা শোন ।

সেদিন ভোরে দেখি উঠে

রুষ্টি বাদল গেছে ছুটে,

রোদ উঠেছে ঝিল্মিলিয়ে

বাঁশের ডালে ডালে ;

ছুটির দিনে কেমন শূরে

পুজোর সানাই বাজছে দূরে,

তিনটে শালিখ ঝগড়া করে

রাগাধরের চালে—

খেলনাগুলো সামনে মেলি

‘কী যে খেলি’ ‘কী যে খেলি’

সেই কথাটাই সমস্ত খন

ভাবনু আপন-মনে !

লাগল না ঠিক কোনো খেলাই,

কেটে গেল সারা বেলাই—

রেলিঙ ধরে রইলু বসে

বারান্দাটার কোণে ।

খেলা-ভোলা

খেলা-ভোলার দিন মা, আমার
আসে মাঝে মাঝে ।

সেদিন আমার মনের ভিতর
কেমনতরো বাজে ।

শীতের বেলায় দুই পহরে
দূরে কাদের ছাতের 'পরে
ছোট্ট মেয়ে রোদ্‌দুয়ে দেন্ন
বেগ্নি রঙের শাড়ি ;
চেয়ে চেয়ে চুপ করে রই,
তেপান্তরের পার বুঝি ওই—
মনে ভাবি ওইখানেতেই
আছে রাজার বাড়ি ।

থাকত যদি মেঘে-ওড়া
পক্ষিরাজের বাচ্ছা ঘোড়া,
তক্থুনি যে যেতেম তারে
লাগাম দিয়ে ক'ষে ।

যেতে যেতে নদীর তীরে
ব্যাঙ্গমা আর ব্যাঙ্গমীরে
পথ শুধিয়ে নিতেম আমি
গাছের তলায় ব'সে ।

খেলা-তোলা

এক-এক দিন যে দেখেছি তুই
বাবার চিঠি হাতে
চূপ করে কী ভাবিস ব'সে
ঠেস দিয়ে জানলাতে ।

মনে হয় তোর মুখে চেয়ে
তুই যেন কোন্ দেশের মেয়ে,
যেন আমার অনেক কালের

অনেক দূরের মা ;

কাছে গিয়ে হাতখানি ছুঁই—
হারিয়ে-ফেলা মা যেন তুই,
মাঠ-পারে কোন্ বটের তলার
বাঁশির শূরের মা ।

খেলার কথা যায় যে ভেসে—
মনে ভাবি, কোন্ কালে সে
কোন্ দেশে তোর বাড়ি ছিল
কোন্ সাগরের কূলে ।

ফিরে যেতে ইচ্ছে করে
অজানা সেই দ্বীপের ঘরে
তোমার আমায় ভোরবেলাতে
নৌকোতে পাল তুলে ।

পথহারা

আজকে আমি কত দূর যে
গিয়েছিলেম চলে ।
যত তুমি ভাবতে পারো
ভার চেয়ে সে অনেক আরো,
শেষ করতে পারব না তা
তোমায় ব'লে ব'লে ।

অনেক দূর সে, আরো দূর সে,
আরো অনেক দূর ।
মাঝখানেতে কত যে বেত,
কত যে বাঁশ, কত যে খেত—
ছাড়িয়ে ওদের ঠাকুর-বাড়ি,
ছাড়িয়ে তালিমপুর

পেরিয়ে গেলেম যেতে যেতে
সাত-কুশি সব গ্রাম ।
ধানের গোলা গুনব কত
জোদ্ধারদের গোলার মতো,
সেখানে যে মোড়ল কারা
জানি নে তার নাম ।

পথহারা

একে একে মাঠ পেরোলুম
কত মাঠের পরে ।
তার পরে, উঃ, বলি মা, শোন,
সামনে এল প্রকাণ্ড বন—
ভিতরে তার ঢুকতে গেলে
গা ছম্ ছম্ করে ।

জামতলাতে বুড়ি ছিল—
বললে, ‘ধবরদার !’
আমি বললেম বারণ শুনে,
‘ছ-পণ কড়ি এই নে শুনে ।’
যতক্ষণ সে গুনতে থাকে
হয়ে গেলেম পার ।

কিছুরই শেষ নেই কোথাও
আকাশ পাতাল জুড়ি ।
যতই চলি যতই চলি
বেড়েই চলে বনের গলি,
কালো-মুখোশ-পরা আধার
সাজল জুজুবুড়ি ।

পথহারা

খেজুর গাছের মাথায় বসে
দেখছে কারা কুঁকি ।
কারা যে সব ঝোপের পাশে
একটুখানি মুচকে হাসে,
বেঁটে বেঁটে মানুষগুলো
কেবল যারে উকি ।

আমায় যেন চোখ টিপছে
ঝুড়ো গাছের গুঁড়ি ।
লম্বা লম্বা কানের পা যে
ঝুলছে ডালের মাঝে মাঝে—
মনে হচ্ছে পিঠে আমার
কে দিল শুড়-শুড়ি !

ফিস্‌ফিসিয়ে কইছে কথা
দেখতে না পাই কে সে ।
অন্ধকারে ছুঁদাড়িয়ে
কে যে কারে ঝায় তাড়িয়ে,
কী জানি কী গা চেটে ঝায়
ইঠাং কাছে এসে ।

কুরোয় মা পথ, ভাবছি আমি
 ফিরব কেমন করে !
 সামনে দেখি কিসের ছায়া—
 ডেকে বলি, 'শেয়াল ভায়া,
 মায়ের গাঁয়ের পথ তোরা কেউ
 দেখিয়ে দে-না মোরে ।'

কয় না কিছুই, চূপটি ক'রে
 কেবল মাথা নাড়ে ।
 সিজিমামা কোথা থেকে
 হঠাৎ কখন এসে ডেকে
 কে জানে মা, হালুম ক'রে
 পড়ল যে কার ঘাড়ে ।

বল্ দেখি তুই কেমন ক'রে
 ফিরে পেলেম মাকে ।
 কেউ জানে না কেমন ক'রে ।
 কানে কানে বলব তোরে ?
 যেমনি স্বপন ভেঙে গেল
 সিজিমামার ডাকে ।

সংশয়ী

কোথায় যেতে ইচ্ছে করে
শুধাস কি মা তাই ?
যেখান থেকে এসেছিলেম
সেথায় যেতে চাই ।
কিন্তু সে যে কোন্ জায়গা
ভাবি অনেক বার ।
মনে আমার পড়ে না তো
একটুখানি তার ।

ভাবনা আমার দেখে বাবা
বললে সেদিন হেসে,
'সে জায়গাটি মেঘের পারে
সন্ধ্যাতারার দেশে ।'
তুমি বল, 'সে দেশখানি
মাটির নীচে আছে,
যেখান থেকে ছাড়া পেয়ে
ফুল ফোটে সব গাছে ।'

সংশয়ী

মাসি বলে, 'সে দেশ আমার
আছে সাগরতলে,
যেখানেতে আঁধার ঘরে
লুকিয়ে মানিক আছে।'
দাদা আমার চুল টেনে দেয়,
বলে, 'বোকা ওরে,
হাওয়ায় সে দেশ মিলিয়ে আছে,
দেখবি কেমন ক'রে ?'
আমি শুনে ভাবি, আছে
সকল জায়গাতেই।
সিধু মাস্টার বলে শুধু,
'কোনোখানেই নেই।'

রাজা ও রানী

এক যে ছিল রাজা
সেদিন আমার দিল সাজা ।
ভোরের রাতে উঠে
আমি গিয়েছিলুম ছুটে
দেখতে ডালিম গাছে
বনের পিরহু কেমন নাচে ।
ডালে ছিলেম চ'ড়ে,
সেটা ভেঙেই গেল প'ড়ে ।
সেদিন হল মানা
আমার পেয়ারা পেড়ে আনা,
রথ দেখতে যাওয়া,
আমার চিঁড়ের পুলি যাওয়া ।
কে দিল সেই সাজা—
জান কে ছিল সেই রাজা ?

রাজা ও রানী

এক যে ছিল রানী
আমি তার কথা সব মানি ।
সাজার খবর পেয়ে
আমায় দেখল কেবল চেয়ে
বললে না তো কিছু,
কেবল মুখটি করে নিচু
আপন ঘরে গিয়ে
সেদিন রইল আগল দিয়ে ।
হল না তার যাওয়া
কিন্তু রথ দেখতে যাওয়া ।
নিল আমায় কোলে
সাজার সময় সারা হলে ।
গলা ভাঙা-ভাঙা,
তার চোখ-দুখানি রাঙা ।
কে ছিল সেই রানী
আমি জানি জানি জানি ।

দূর

পুজোর ছুটি আসে যখন

বক্সারেতে যাবার পথে

দূরের দেশে যাচ্ছি ভেবে

ঘুম হয় না কোনোমতে।

সেখানে যেই নতুন বাসায়

হুগা ছুয়েক খেলায় কাটে,

দূর কি আবার পালিয়ে আসে

আমাদেরই বাড়ির ঘাটে।

দূরের সঙ্গে কাছেই কেবল

কেনই যে এই লুকোচুরি,

দূর কেন যে করে এমন

দিনরাত্তির ঘোরাঘুরি।

আমরা যেমন ছুটি হলে

ঘর-বাড়ি সব ফেলে রেখে

রেল চড়ে পশ্চিমে যাই,

বেরিয়ে পড়ি দেশের থেকে,

তেম্নিতরো সকালবেলা

ছুটিয়ে আলো আকাশেতে

দূর

রাতের থেকে দিন যে বেরোয়
দূরকে বুঝি খুঁজে পেতে ।
সেও তো যায় পশ্চিমেতেই—
ঘুরে ঘুরে সন্ধে হলে
তখন দেখে রাতের মাঝেই
দূর সে আবার গেছে চলে ।

সবাই বেন পলাতকা,
মন টেকে না কাছের বাসায়—
দলে দলে পলে পলে
কেবল চলে দূরের আশায় ।
পাতায় পাতায় পায়ের ধ্বনি,
ঢেউয়ে ঢেউয়ে ডাকাডাকি,
হাওয়ায় হাওয়ায় যাওয়ার বাঁশি
কেবল বাজে থাকি থাকি ।
আমায় এরা যেতে বলে—
যদি বা যাই, জানি তবে
দূরকে খুঁজে খুঁজে শেষে
মায়ের কাছেই ফিরতে হবে ।

বাউল

দূরে অশ্বতলায়
পুঁতির কণ্ঠধানি গলায়
বাউল, দাঁড়িয়ে কেন আছ ?
সামনে আঙিনাতে
তোমার একতারাটি হাতে
তুমি সুর লাগিয়ে নাচো ।
পথে করতে খেলা
আমার কখন হল বেলা,
আমায় শাস্তি দিল তাই ।
ইচ্ছে হোথায় নাবি,
কিন্তু ঘরে বন্ধ চাবি,
আমার বেরতে পথ নাই ।
বাড়ি ফেরার তরে
তোমায় কেউ না তাড়া করে,
তোমার নাই কোনো পাঠশালা ।
সমস্ত দিন কাটে
তোমার পথে ঘাটে মাঠে,
তোমার ঘরেতে নেই তালা ।

বাউল

তাই তো তোমার নাচে
আমার প্রাণ যেন ভাই, বাঁচে—
আমার মন যেন পায় ছুটি ।
ওগো, তোমার নাচে
যেন চেউয়ের দোলা আছে,
ঝড়ে গাছের লুটোপুটি ।
অনেক দূরের দেশ
আমার চোখে লাগায় রেশ
বখন তোমায় দেখি পথে ।
দেখতে যে পায় মন
যেন নাম-না-জানা বন
কোন্ পথহারা পর্বতে ।
হঠাৎ মনে লাগে
যেন অনেক দিনের আগে
আমি অম্নি ছিলাম ছাড়া ।
সেদিন গেল ছেড়ে,
আমার পথ নিল কে কেড়ে,
আমার হারাল একতারা ।
কে নিল গো টেনে
আমায় পাঠশালাতে এনে,
আমার এল গুরুমশায় ।

বাউল

মন সদা যার চলে
যত বরছাড়াদের দলে
তারে ধরে কেন বসায় ?
কও তো আমায় ভাই—
তোমার গুরুমশায় নাই ?
আমি যখন দেখি ভেবে
বুঝতে পারি খাঁটি,
তোমার বুকের একতারাটি
তোমায় ওই তো পড়া দেবে !
তোমার কানে কানে
ওরই গুন্‌গুনানি গানে
তোমায় কোন্‌ কথা যে কয় !
সব কি তুমি বোঝ ?
তারই মানে যেন খোঁজ
কেবল ফিরে ভুবনময় ।
ওরই কাছে বুঝি
আছে তোমার নাচের পুঁজি,
তোমার খ্যাপা পায়ের ছুটি ?
ওরই সুরের বোলে
তোমার গলার মালা দোলে,
তোমার দোলে মাথার ঝুঁটি ।

বাউল

মন যে আমার পালায়
তোমার একতারা-পাঠশালায়—
আমায় ভুলিয়ে দিতে পারো ?
নেবে আমায় সাথে ?
এ-সব পণ্ডিতেরই হাতে
আমায় কেন সবাই মারো ?
ভুলিয়ে দিয়ে পড়া
আমায় শেখাও সুরে-গড়া
তোমার তাল-ভাঙার পাঠ ।
আর কিছু না চাই—
যেন আকাশখানা পাই
আর পালিয়ে যাবার মাঠ ।
দূরে কেন আছ ?
দ্বারের আগল ধ'রে নাচো
বাউল, আমারই এইখানে ।
সমস্ত দিন ধ'রে
যেন মাতন ওঠে ভ'রে
তোমার ভাঙন-লাগা গানে ।

ছুটু

তোমার কাছে আমিই ছুটু,
ভালো যে আর সবাই !
মিস্ত্রিদের কালু নীলু
ভারি ঠাণ্ডা ক'ভাই !
যতীশ ভালো, সতীশ ভালো,
শ্রাড়া নবীন ভালো—
তুমি বল, ওরাই কেমন
ঘর করে রয় আলো ।
মাখনবাবুর ছুটি ছেলে
ছুটু তো নয় কেউ—
গেটে তাদের কুকুর বাঁধা
করতেছে ঘেউ-ঘেউ—
পাঁচকড়ি ঘোষ লক্ষ্মী ছেলে
দস্তপাড়ার গবাই—
তোমার কাছে আমিই ছুটু,
ভালো যে আর সবাই !

হুই

তোমার কথা আমি যেন
শুনি নে কক্খনোই,
জামা কাপড় যেন আমার
সাফ থাকে না কোনোই !
খেলা করতে বেলা করি,
বৃষ্টিতে বাই ভিজে—
হুইপনা আরো আছে
অম্নি কত কী যে !
বাবা আমার চেয়ে ভালো ?
সত্যি বলো তুমি,
তোমার কাছে করেন নি কি
একটুও হুইমি ?
যা বলে। সব শোনেন তিনি,
কিচ্ছু ভোলেন নাকো ?
খেলা ছেড়ে আসেন চ'লে
যেম্নি তুমি ডাকো ?

ইচ্ছামতী

যখন যেমন মনে করি
তাই হতে পাই যদি
আমি তবে এক্ষনি হই
ইচ্ছামতী নদী ।
রইবে আমার দধিন ধারে
সূর্য গুঠার পার,
বাঁয়ের ধারে সঙ্কেবেলায়
নামবে অন্ধকার ।
আমি কইব মনের কথা
তুই পারেরই সাথে—
আধেক কথা দিনের বেলায়,
আধেক কথা রাতে ।

যখন ঘুরে ঘুরে বেড়াই
আগন গাঁয়ের ঘাটে
ঠিক তখনি গান গেয়ে যাই
দূরের মাঠে মাঠে ।

ইচ্ছামতী

গাঁয়ের মানুষ চিনি, যারা
নাইতে আসে জলে,
গোরু মহিষ নিয়ে যারা
সাঁতরে ও পার চলে ।
দূরের মানুষ যারা তাদের
নতুনতরো বেশ,
নাম জানি নে, গ্রাম জানি নে—
অন্তুতের এক-শেষ !

জলের উপর ঝলোমলো
টুকরো আলোর রাশি ।
চেউয়ে চেউয়ে পরীর নাচন,
হাততালি আর হাসি ।
নীচের তলায় তলিয়ে যেথায়
গেছে ঘাটের ধাপ
সেইখানেতে কারা সবাই
রয়েছে চূপচাপ ।
কোণে-কোণে আপন-মনে
করছে তারা কী কে !
আমারই ভয় করবে কেমন
তাকাতে সেই দিকে ।

ইচ্ছামতী

গাঁয়ের লোকে চিনবে আমার
কেবল একটুখানি —
বাকি কোথায় হারিয়ে যাবে
আমিই সে কি জানি !
এক ধারেতে মাঠে ঘাটে
সবুজ বরন শুধু,
আর-এক ধারে বালুর চরে
রৌজ করে ধু ধু ।
দিনের বেলায় যাওয়া আসা,
রাস্তিরে থম্ থম্ !
ডাঙার পানে চেয়ে চেয়ে
করবে গা ছম্ ছম্ ।

২৩ আশ্বিন ১৩২৮

অন্য মা

আমার মা না হয়ে তুমি

আর-কারো মা হলে

ভাবছ তোমায় চিনতেম না,

যেতেম না ওই কোলে ?

মজা আরো হ'ত স্মারি,

দুই জায়গায় থাকত বাড়ি—

আমি থাকতেম এই গাঁয়েতে,

তুমি পারের গাঁয়ে ।

এইখানেতেই দিনের বেলা

যা-কিছু সব হ'ত খেলা,

দিন ফুরোলেই তোমার কাছে

পেরিয়ে যেতেম নায়ে

হঠাৎ এসে পিছন দিকে

আমি বলতেম, 'বল্ দেখি কে !'

তুমি ভাবতে, 'চেনার মতো,

চিনি নে তো তবু ।'

তখন কোলে ঝাঁপিয়ে পড়ে

আমি বলতেম গলা ধরে,

'আমায় তোমার চিনতে হবেই,

আমি তোমার অবু ।'

অন্ত মা

ওই পারেতে যখন তুমি

আনতে যেতে জল,

এই পারেতে তখন ঘাটে

বল্ দেখি কে বল্ ।

কাগজ-গড়া নৌকোটিকে

ভাসিয়ে দিতেম তোমার দিকে,

যদি গিয়ে পৌঁছত সে

বুঝতে কি, সে কার ?

সাঁতার আমি শিখি নি যে,

নইলে আমি যেতেম নিজে—

আমার পারের থেকে আমি

যেতেম তোমার পার ।

মায়ের পারে অবুর পারে

থাকত তফাত, কেউ তো পারে

ধরতে গিয়ে পেত নাকো—

রইত না এক-সাথে ।

দিনের বেলায় ঘুরে ঘুরে

দেখাদেখি দূরে দূরে—

সন্ধেবেলায় মিলে যেত

অবুতে আর মা'তে ।

অন্ত মা

কিন্তু হঠাৎ কোনো দিনে

যদি বিপিন মাঝি

পার করতে তোমার পারে

নাই হ'ত মা, রাজি ?

ঘরে তোমার প্রদীপ জ্বলে

ছাতের 'পরে মাহুর মেলে

বসতে তুমি, পায়ের কাছে

বসত কাস্তুরি—

উঠত তারা সাত ভায়েতে,

ডাকত শেয়াল ধানের খেতে,

উড়ো ছায়ার মতো বাছড়

কোথায় যেত উড়ি।

তখন কি মা, দেরি দেখে

ভয় হ'ত না থেকে থেকে—

পার হয়ে মা, আসতে হ'তই

অবু বেখায় আছে।

তখন কি আর ছাড়া পেতে ?

দিতেম কি আর ফিরে যেতে ?

ধরা পড়ত মায়ের ও পার

অবুর পারের কাছে।

ছয়োরানী

ইচ্ছে করে, মা, যদি তুই
হতিস ছয়োরানী—
ছেড়ে দিতে এমনি কি ভয়
তোমার এ ঘরখানি ?
ওইখানে ওই পুকুরপাড়ে
জ্বিল গাছের বেড়ার ধারে
ও যেন ঘোর বনের মধ্যে—
কেউ কোথাও নেই ।

ওইখানে ঝাউতলা জুড়ে
বাঁধব তোমার ছোট্ট কুঁড়ে,
শুকনো পাতা বিছিয়ে ঘরে
থাকব ছুঁকনেই ।
বাঘ ভাল্লুক অনেক আছে,
আসবে না কেউ তোমার কাছে,
দিনরাত্তির কোমর বেঁধে
থাকব পাহারাতে ।

রাকসেরা ঝোপে ঝাড়ে
মারবে ঊকি আড়ে আড়ে,
দেখবে আমি দাড়িয়ে আছি
ধনুক নিয়ে হাতে ।

ছয়োয়ানী

আঁচলেতে খই নিয়ে তুই
ষেই দাঁড়াবি দ্বারে
অমনি যত বনের হরিণ
আসবে সারে সারে ।

শিঙগুলি সব আঁকাবাঁকা,
গায়েতে দাগ চাকা চাকা,
লুটিয়ে তারা পড়বে ভুঁয়ে
পায়ের কাছে এসে ।

ওরা সবাই আমায় বোঝে,
করবে না ভয় একটুও যে—
হাত বুলিয়ে দেব গায়ে,
বসবে কাছে ঘেঁষে ।

ফলসা-বনে গাছে গাছে
ফল ধ'রে মেঘ করে আছে—
ওইখানেতে ময়ূর এসে
নাচ দেখিয়ে যাবে ।

শালিখরা সব মিছিমিছি
লাগিয়ে দেবে কিচিমিচি,
কাঠবেড়ালি লেজটি তুলে
হাত থেকে ধান খাবে ।

ছদ্মোদ্যানী

দিন ফুরোবে, সাজের আধার
নামবে তালের পাছে ।

তখন এসে ঘরের কোণে
বসব কোলের কাছে ।

থাকবে না তোর কাজ কিছু তো,
রইবে না তোর কোনো ছুতো,
রূপকথা তোর বলতে হবে
রোজই নতুন ক'রে ।

সীতার বনবাসের ছড়া
সবগুলি তোর আছে পড়া ;
স্মর ক'রে তাই আগাগোড়া
গাইতে হবে তোরে ।

তার পরে যেই অশখবনে
ডাকবে পেঁচা, আমার মনে
একটুখানি ভয় করবে
রাত্রি নিমৃত হলে ।

তোমার বুকে মুখটি গুঁজে
ঘুমেতে চোখ আসবে বুজে—
তখন আবার বাবার কাছে
বাস নে যেন চলে ।

রাজমিস্ত্রি

বয়স আমার হবে তিরিশ,
দেখতে আমার ছোটো—
আমি নই মা, তোমার শিরিশ,
আমি হচ্ছি নোটো।
আমি যে রোজ সকাল হলে
বাই শহরের দিকে চলে
তমিজ মিক্সার গোকুর গাড়ি চ'ড়ে।
সকাল থেকে সারা দুপুর
ইট সাজিয়ে ইটের উপর
খেয়াল-মতো দেয়াল তুলি গ'ড়ে।
ভাবছ তুমি, নিয়ে ঢেলা
ঘর-গড়া সে আমার খেলা—
ককখনো না, সত্যিকার সে কোঠা।
ছোটো বাড়ি নয় তো মোটে,
তিন তলা পর্যন্ত ওঠে,
থামগুলো তার এমনি মোটা মোটা।
কিন্তু যদি শুধাও আমার,
ওইখানেতেই কেন থামায়,
দোষ কি ছিল ষাট-সত্তর তলা—

ইট সুরকি জুড়ে জুড়ে

একেবারে আকাশ ফুঁড়ে

হয় না কেন কেবল গেঁথে চলা—

গাঁধতে গাঁধতে কোথায় শেষে

ছাত কেন না তারায় মেশে—

আমিও তাই ভাবি নিজে নিজে,

কোথাও গিয়ে কেন থামি

যখন শুধাও তখন আমি

জানি নে তো তার উত্তর কী যে।

যখন খুশি ছাতের মাথায়

উঠছি ভারী বেয়ে।

সত্যি কথা বলি, তাতে

মজা খেলার চেয়ে।

সমস্ত দিন ছাতপিটুনি

গান গেয়ে ছাত পিটোয় শুনি,

অনেক নীচে চলছে গাড়িঘোড়া।

বাসনওয়ালা থালা বাজায়,

সুর করে ওই হাঁক দিয়ে যায়

আতাওয়াল। নিয়ে ফলের ঝোড়া।

রাস্তামিস্ত্রি

সাড়ে চারটে বেজে ওঠে,
ছেলেরা সব বাসায় ছোট্টে
হো হো করে উড়িয়ে দিয়ে খুলো ।
রোদুহর যেই আসে প'ড়ে
পুঁবের মুখে কোথায় ওড়ে
দলে দলে ডাক দিয়ে কাকগুলো ।
আমি তখন দিনের শেষে
ভারার থেকে নেমে এসে
আবার ফিরে আসি আপন গাঁয়ে ।
জান তো, মা, আমার পাড়া
যেখানে ওই খুঁটি গাড়া
পুকুর-পাড়ে গাজনতলার বাঁয়ে ।
তোরা যদি শুধাস মোরে
খড়ের চালায় রই কী করে ?
কোঠা যখন গড়তে পারি নিজে,
আমার ঘর যে কেন তবে
সব চেয়ে না বড়ো হবে—
জানি নে তো তার উত্তর কী যে ।

৬ কাভিক ১৩২৮

ঘুমের তত্ত্ব

জাগার থেকে ঘুমোই, আবার

ঘুমের থেকে জাগি—

অনেক সময় ভাবি মনে,

কেন, কিসের লাগি।

আমাকে, মা, যখন তুমি

ঘুম পাড়িয়ে রাখ

তখন তুমি হারিয়ে গিয়ে

তবু হারাও নাকো।

রাতে সূর্য দিনে তারা

পাই নে হাজার খুঁজি—

তখন তারা ঘুমের সূর্য,

ঘুমের তারা বুঝি ?

শীতের দিনে কনকচাঁপা

যায় না দেখা গাছে,

ঘুমের মধ্যে মুকিয়ে থাকে—

নেই তবুও আছে।

ষুমের তত্ত্ব

রাজকন্তে থাকে আমার
সিঁড়ির নীচের ঘরে ।
দাদা বলে, 'দেখিয়ে দে তো,'
বিশ্বাস না করে ।
কিন্তু, মা, তুই জানিস নে কি
আমার সে রাজকন্তে
ষুমের তলার তলিয়ে থাকে,
দেখি নে সেইজন্তে ।

নেই তবুও আছে এমন
নেই কি কত জিনিস ?
আমি তাদের অনেক জানি,
তুই কি তাদের চিনিস ?
যেদিন তাদের রাত পোরাবে,
উঠবে চক্ষু মেলি,
সেদিন তোমার ঘরে হবে
বিষম ঠেলাঠেলি ।
নাপিত ভায়া, শেয়াল ভায়া,
ব্যাঙ্গমা বেঙ্গুমী
ভিড় করে সব আসবে যখন
কী বে করবে তুমি !

ঘূমের ভব

তখন তুমি ঘুমিয়ে পোড়ো,
আমিই জেগে থেকে
নানারকম খেলায় তাদের
দেব ভুলিয়ে রেখে ।
তার পরে যেই জাগবে তুমি
লাগবে তাদের ঘুম—
তখন কোথাও কিচ্ছুই নেই
সমস্ত নিজ্‌রুম ।

২৭ আশ্বিন ১৩২৮

দুই আমি

বৃষ্টি কোথায় নুকিয়ে বেড়ায়
উড়ো মেঘের দল হয়ে,
সেই দেখা দেয় আর-এক ধারায়
শ্রাবণ-ধারায় জল হয়ে ।
আমি ভাবি চূপটি ক'রে
মোর দশা হয় ওই যদি !
কেই বা জানে আমিই আবার
আর-একজনও হই যদি !
একজনারেই তোমরা চেন,
আর-এক আমি কারোই না ।
কেমনতরো ভাবখানা তার
মনে আনতে পারোই না ।
হয়তো বা ওই মেঘের মতোই
নতুন নতুন রূপ ধ'রে
কখন সে যে ডাক দিয়ে যায়,
কখন থাকে চূপ ক'রে ।

ছই আমি

কখন বা সে পুবের কোণে
আলো-নদীর বাঁধ বাঁধে,
কখন বা সে আধেক রাতে
চাঁদকে ধরার কঁাদ কঁাদে ।
শেষে তোমার ঘরের কথা
মনেতে তার বেই আসে,
আমার মতন হয়ে আবার
তোমার কাছে সেই আসে ।
আমার ভিতর লুকিয়ে আছে
ছই রকমের ছই খেলা—
একটা সে ওই আকাশ-ওড়া,
আর-একটা এই ভূঁই-খেলা ;

২৮ আশ্বিন ১৩২৮

মর্তবাসী

কাকা বলেন, সময় হলে
সবাই চ'লে
যায় কোথা সেই স্বর্গপারে
বল তো, কাকী,
সত্যি তা কি
একেবারে ?
তিনি বলেন যাবার আগে
তন্দ্রা লাগে,
ঘণ্টা কখন ওঠে বাজি—
দ্বারের পাশে
তখন আসে
ঘাটের মাঝি ।

বাবা গেছেন এম্নি করে
কখন ভোরে,
তখন আমি বিছানান্তে ।
ভেম্নি মাখন
গেল কখন
অনেক রাতে ।

মর্তবাসী
 কিন্তু আমি বলছি তোমায়,
 সকল সময়
 তোমার কাছেই করব খেলা;
 রইব জোরে
 গলা ধ'রে
 রাতের বেলা ।
 সময় হলে মান্ব না তো,
 জানব না তো
 ঘণ্টা মাঝির বাজল কবে ।
 তাই কি রাজ্য
 দেবেন সাজ্য
 আমায় তবে ?
 তোমরা বলো স্বর্গ ভালো—
 সেথায় আলো
 রঙে রঙে আকাশ রাঙায়,
 সারা বেলা
 ফুলের খেলা
 পারুলডাঙায় !
 হোক-না ভালো বত ইচ্ছে—
 কেড়ে নিচ্ছে
 কেই-বা তাকে বলো কারী ?

মর্তবাসী

যেমন আছি

তোমার কাছেই

তেমনি থাকি ।

ওই আমাদের গোলাবাড়ি,

গোরুর গাড়ি

পড়ে আছে চাকা-ভাঙা,

গাবের ডালে

পাতার লালে

আকাশ রাঙা ।

সেথা বেড়ায় ষষ্ঠীবুড়ি

গুড়িগুড়ি

অস্শেওড়ার ঝোপে-ঝোপে—

ফুলের গাছে

দোয়েল নাচে,

ছায়া কাঁপে ।

নুকিয়ে আমি সেথা পলাই,

কানাই বলাই

হু ভাই আসে পাড়ার থেকে ।

ভাঙা গাড়ি

দোলাই নাড়ি

ঝেঁকে ঝেঁকে ।

মর্তবাসী

সন্ধ্যাবেলায় গল্প ব'লে

রাখ কোলে,

মিটমিটিয়ে জ্বলে বাতি ।

চালতা-শাখে

পেঁচা ডাকে,

বাড়ে রাতি ।

নরমে বাওয়া দেব কঁকি

বলছি কাকী—

দেখব আমার কে কী করে ।

চিরকালই

রইব খালি

তোমার ঘরে ।

বাগীবিনয়

মা, যদি তুই আকাশ হতিস,
আমি চাঁপার গাছ,
তোর সাথে মোর বিনি কথার
হ'ত কথার নাচ।
তোর হাওয়া মোর ডালে ডালে
কেবল থেকে থেকে
কতরকম নাচন দিয়ে
আমার যেত ডেকে।
মা ব'লে তার সাড়া দেব
কথা কোথায় পাই,
পাতায় পাতায় সাড়া আমার
নেচে উঠত তাই।
তোর আলো মোর শিশির-কোঁটার
আমার কানে কানে
টল্‌মলিয়ে কী বলত যে
বল্‌মলানির গানে।

বাণীবিনিময়

আমি তখন ফুটিয়ে দিতেম
আমার যত কুঁড়ি,
কথা কইতে গিয়ে তারা
নাচন দিত জুড়ি ।
উড়ো মেঘের ছায়াটি তোর
কোথায় থেকে এসে
আমার ছায়ায় ঘনিয়ে উঠে
কোথায় যেত ভেসে ।
সেই হ'ত তোর বাদল-বেলার
রূপকথাটির মতো—
রাজপুত্রুর ঘর ছেড়ে যায়
পেরিয়ে রাজ্য কত ।
সেই আমারে ব'লে যেত
কোথায় আলেখ লতা,
সাগর-পারের দৈত্যপুরের
রাজকন্যার কথা ।
দেখতে পেতেম ছম্বোরানীর
চক্ষু ভরোভরো,
শিউরে উঠে পাতা আমার
কাঁপত ধরোধরো ।

বাণীবিনিময়

হঠাৎ কখন বৃষ্টি তোমার
হাওয়ার পাছে পাছে
নামত আমার পাতায় পাতায়
চাঁপূর টুপূর নাচে—
সেই হ'ত তোর কাদন-সুরে
রামায়ণের পড়া,
সেই হ'ত তোর গুন্তুনিয়ে
শ্রাবণ-দিনের ছড়া।
মা, তুই হতিস নীলবরনী,
আমি সবুজ কাঁচা :
ভোর হ'ত, মা, আলোর হাসি—
আমার পাতার নাচ।
তোর হ'ত, মা, উপর থেকে
নয়ন মেলে চাওয়া,
আমার হ'ত আঁকুঝাঁকু
হাত তুলে গান গাওয়া।
ভোর হ'ত, মা, চিরকালের
তারার মণিমালা,
আমার হ'ত দিনে দিনে
ফুল ফোটাবার পালা।

বৃষ্টি রৌদ্র

ঝুঁটিঝাঁধা ডাকাত সেজে
দল বেঁধে মেঘ চলেছে যে
আজকে সারা বেলা ।
কালো ঝাঁপির মধ্যে ভাঁরে
সূর্যিকে নেয় চুরি করে—
ভয় দেখাবার খেলা ।
বাতাস তাদের ধরতে মিছে
হাঁপিয়ে ছোটো পিছে পিছে,
বায় না তাদের ধরা ।
আজ যেন ওই জড়োসড়ো
আকাশ জুড়ে মস্ত বড়ো
মন-কেমন-করা ।
বটের ডালে ডানা-ভিজে
কাক বসে ওই ভাবছে কী যে,
চড়ুইগুলো চুপ ।
বৃষ্টি হয়ে গেছে ভোরে,
শজনেপাতায় ঝাঁরে ঝাঁরে
জল পাড়ে টপ্-টপ্ ।
লেজের মধ্যে মাথা খুয়ে
খ্যাদন-কুকুর আছে শুয়ে
কেমন-এক-রকম ।

বৃষ্টি যৌত্র

দালানটাতে ঘুরে ঘুরে

পায়রাগুলো কাঁদন-সুরে

ডাকছে বক্বকম ।

কার্তিকে ওই ধানের খেতে

ভিজে হাওয়া উঠল মেতে

সবুজ ঢেউয়ের 'পরে ।

পরশ লেগে দিশে দিশে

হিহি ক'রে ধানের শিষে

শীতের কাঁপন ধরে ।

ঘোষাল-পাড়ার লক্ষ্মী বুড়ি

ছেঁড়া কাঁথায় মুড়িমুড়ি

গেছে পুকুর-পাড়ে,

দেখতে ভালো পায় না চোখে—

বিড়বিড়িয়ে ব'কে ব'কে

শাক তোলে, ঘাড় নাড়ে ।

ওই কমান্বয় বৃষ্টি নামে,

মাঠের পারে দূরের গ্রামে

ঝাপসা বাঁশের বন ।

গোকরটা কার থেকে থেকে

খোঁটায়-বাঁধা উঠছে ডেকে,

ভিজছে সারা ক্ষণ ।

গদাই কুমোর অনেক ভোরে

বৃষ্টি যৌত

সাজিয়ে নিয়ে উচু ক'রে
হাঁড়ির উপর হাঁড়ি
চলছে রবিবারের হাটে—
গামছা মাথায়, জলের ছাটে
হাঁকিয়ে গোকুর গাড়ি।
বন্ধ আমার রইল খেলা,
ছুটির দিনে সারা বেলা
কাটবে কেমন করে ?
মনে হচ্ছে এমনিতরো
ঝরবে বৃষ্টি ঝরোঝরো
দিনরাত্তির ধ'রে।

এমন সময় পূবের কোণে
কখন যেন অন্তমনে
কঁক ধরে ওই মেঘে,
মুখের চাদর সরিয়ে ফেলে
হঠাৎ চোখের পাতা মেলে
আকাশ ওঠে জেগে।
ছিঁড়ে-মাওয়া মেঘের থেকে
পুকুরে রোদ পড়ে বঁকে,
লাগায় ঝিলিমিলি—
বাঁশ-বাগানের মাথায় মাথায়

বৃষ্টি যৌৱ

তেঁতুল গাছের পাতায় পাতায়

হাসায় ঝিলিঝিলি ।

হঠাৎ কিসের মন্ত্র এসে

ভুলিয়ে দিলে এক নিমেষে

বাদল-বেলার কথা ।

হারিয়ে-পাওয়া আলোটিরে

নাচায় ডালে ফিরে ফিরে

বেড়ার ঝুনকোলতা ।

উপর নীচে আকাশ ভ'রে

এমন বদল কেমন ক'রে

হয় সে কথাই ভাবি ।

উলট-পালট খেলাটি এই,

সাজের তো তার সীমানা নেই—

কার কাছে তার চাবি ?

এমন যে ঘোর মন খারাপি

বৃকের মতো ছিল চাপি

সমস্তখন আজি—

হঠাৎ দেখি সবই মিছে,

নাই কিছু তার আগে পিছে—

এ যেন কার বাজি ।

—

গ্রন্থপরিচয়

‘শিশু ভোলানাথ’ গ্রন্থের অধিকাংশ কবিতা ‘মৌচাক’ ‘সন্দেশ’ ‘প্রবাসী’ ‘বঙ্গবাণী’ ‘সংমলাল’ ‘শ্রেয়সী’ প্রভৃতি সাময়িক পত্র প্রকাশিত হইয়াছিল। ‘সমরহারা’ কবিতাটি ১৩৩০ বৈশাখের ‘সন্দেশ’ পত্রিকা হইতে আবার ১৩৫০ সংস্করণে নূতন সংকলিত হইয়াছে।

‘শিশু ভোলানাথ’ সম্বন্ধে রবীন্দ্রনাথ ‘বাজী’র ‘পশ্চিম-বাজীর ভাষায়’ অংশে লিখিয়াছেন—

একজন অপরিচিত যুবকের সঙ্গে একদিন এক ঘোটেই নিমন্ত্রণসভায় বাজিলুম। তিনি আমাকে কথাপ্রসঙ্গে খবর দিলেন যে, আজকাল পদ্ম আকারে বে-সব রচনা করছি সেগুলি লোকে তেমন পছন্দ করছে না। বারা পছন্দ করছে না তাদের সুযোগ্য প্রতিনিধিধরূপে তিনি উল্লেখ করলেন তাঁর কোনো কোনো আত্মীয়ের কথা, সেই আত্মীয়েরা কবি; আর, বে-সব পদ্মরচনা লোকে পছন্দ করে না তার মধ্যে বিশেষভাবে উল্লেখ করলেন আমার গানগুলো আর আমার ‘শিশু ভোলানাথ’-নামক আধুনিক কাব্যগ্রন্থ। তিনি বললেন, আমার বন্ধুরাও আশঙ্কা করছেন আমার কাব্য লেখবার শক্তি ক্রমেই স্তান হয়ে আসছে।

কালের ধর্মই এই। মর্ত্যলোকে বসন্তকুড়ু চিরকাল থাকে না। মাহুকের ক্ষরতার ক্ষর আছে, অবলান আছে। যদি কখনো কিছু দিবে থাকি, তবে মূল্য দেবার সময় তারই হিসাবটা স্থরণ করা ভালো। রাজ্যশেবে দীপের আলো নেববার সময় বধন সে তার শিখার পাখাতে বার-কতক শেষ ঝাপটা দিবে লীলা সাজ করে, তখন আশা দিবে নিরাশ করবার দাবিতে প্রদীপের নামে নালিশ করাটা বৈধ নয়। দাবিটাই বার বেহিসাবি, দাবি অপূরণ হবার হিসাবটাতেও তার তুল থাকবেই।

পঁচানব্বই বছর বয়সে একটা মাছুষ কস্ করে মায়া গেল বলে চিকিৎসা-
শাস্ত্রটাকে খিঙ্কার দেওয়া কুখ্য বাক্যব্যয়। অতএব, কেউ যদি বলে
আমার বয়স বতই বাড়ছে আমার আয়ু ততই কমে যাচ্ছে, তা হলে
তাকে আমি নিন্দুক বলি নে, বড়ো জোর এই বলি যে, লোকটা বাজে
কথা এমনভাবে বলে যেন সেটা দৈববাণী। কালক্রমে আমার ক্ষমতা
হ্রাস হয়ে যাচ্ছে, এই বিধিলিপি নিয়ে, যুবক হোক, বৃদ্ধ হোক, কবি
হোক, অকবি হোক, কারো সঙ্গে তকয়ার করার চেয়ে ততক্ষণ একটা
গান লেখা ভালো মনে করি, তা সেটা পছন্দসই হোক আর না হোক।
এমন-কি, সেই অবসরে ‘শিশু ভোলানাথ’এর জ্বাভের কবিতা যদি
লিখতে পারি, তা হলেও মনটা খুশি থাকে।...

...ঐ ‘শিশু ভোলানাথ’এর কবিতাগুলো খামকা কেন লিখতে
বলেছিলুম। সেও লোকবল্লভের অঙ্কে নয়, নিত্যস্ত নিভের গরতে।

পূর্বেই বলেছি, কিছুকাল আমেরিকার প্রৌঢ়তার মরুপারে ঘোরতর
কার্পণচুতার পথেঘেরে দুর্গে আটকা পড়েছিলুম। সেদিন খুব স্পষ্ট
বুঝেছিলুম, অমিরে ভোলবার মতো এত বড়ো মিথ্যে ব্যাপার জগতে
আমি কিছুই নেই। এই জমাদার জমাদারটা বিশ্বের চিহ্নচকলতাকে
বাধা দেবার স্পর্ধা করে; কিন্তু কিছুই থাকবে না, আজ বাদে কাল
সব লাক হয়ে যাবে। যে শ্রোতের ঘৃণিপাকে এক-এক জাহায়ায় এই-
সব বস্তুর পিণ্ডগুলোকে তুপাকার করে দিয়ে গেছে, সেই শ্রোতেরই
অবিরত বেগে ঠেলে ঠেলে সমস্ত ভাসিয়ে নীল সমুদ্রে নিয়ে যাবে—
পৃথিবীর বন্ধ হুহ হবে। পৃথিবীতে স্থিতির যে লীলানাক্তি আছে সে-যে
নির্লোভ, সে নিরাসক্ত, সে অকপণ; সে কিছু জমতে দেয় না, কেননা
জমার জ্বালে তার স্থিতির পথ আটকায়; সে যে নিত্যনূতনের নিরন্তর
প্রকাশের অস্তে তার অবকাশকে নির্মল করে রেখে দিতে চায়। লোভী

মাহুষ কোথা থেকে জন্মাল জড়ো ক'রে সেইগুলোকে আগলে রাখবার
 জন্তে নিগড়বদ্ধ লক্ষ লক্ষ দাসকে দিয়ে প্রকাণ্ড সব ডাঙার তৈরি করে
 তুলেছে। সেই ধ্বংসশাপগ্রস্ত ডাঙারের কারাগারে জড়বস্তৃপুঞ্জের অঙ্ককারে
 বাসা বেঁধে সঞ্চয়গর্বের ঔদ্ধত্যে মহাকালকে কুপণটা বিদ্রূপ করছে ;
 এ বিদ্রূপ মহাকাল কখনোই সহ্যে না। আকাশের উপর দিয়ে যেমন
 ধূলানিবিড় আধি ক্ষণকালের জন্তে সূর্যকে পরাভূত করে দিয়ে তার পরে
 নিজের দৌরাশ্রয়র কোনো চিহ্ন না রেখে চলে যায়, এ-সব তেমনি
 করেই শূন্যের মধ্যে বিলুপ্ত হয়ে যাবে।

কিছুকালের জন্তে আমি এই বস্ত-উদ্গারের অঙ্কবস্তুর মুখে এই
 বস্তসঞ্চয়ের অঙ্কভাঙারে বদ্ধ হয়ে আতিথ্যহীন সন্দেহের বিষবাস্পে শাস-
 কদ্ধ-প্রায় অবস্থায় কাটিয়েছিলুম। তখন আমি এই ঘন দেয়ালের বাইরের
 রাস্তা থেকে চিরপথিকের পায়ের শব্দ শুনতে পেতুম। সেই শব্দের ছন্দই
 যে আমার রক্তের মধ্যে বাজে, আমার ধ্যানের মধ্যে ধ্বনিত হয়। আমি
 সেদিন স্পষ্ট বুঝেছিলুম, আমি ঐ পথিকের সহচর।

আমেরিকার বস্তগ্রাস থেকে বেরিয়ে এসেই 'শিশু ভোলানাথ' লিখতে
 বসেছিলুম। বন্দী যেমন ফাঁক পেলেই ছুটে আসে সমুদ্রের ধারে হাঙ্গরা
 পেতে, তেমনি করে। দেয়ালের মধ্যে কিছুকাল সম্পূর্ণ আটকা পড়লে
 তবেই মাহুষ স্পষ্ট ক'রে আবিষ্কার করে, তার চিত্তের জন্তে এত বড়ো
 আকাশেরই ফাঁকাটা দরকার। প্রবীণের কেল্লার মধ্যে আটকা পড়ে
 সেদিন আমি তেমনি করেই আবিষ্কার করেছিলুম, অন্তরের মধ্যে যে শিশু
 আছে তারই খেলার ক্ষেত্র লোকে-লোকান্তরে বিস্তৃত। এইজন্তে কল্পনার
 সেই শিশুলীলার মধ্যে ডুব দিলুম, সেই শিশুলীলার তরঙ্গে সীতার কাটলুম,
 মনটাকে স্নিগ্ধ করবার জন্তে, নির্মল করবার জন্তে, মুক্ত করবার জন্তে।

সাময়িক পত্রে প্রকাশের সূচী

শিশু ভোলানাথের যে-সকল কবিতার সাময়িক পত্রিকায় প্রকাশের
বিবরণ সংগৃহীত হইয়াছে, পত্রিকায় প্রকাশিত শিরোনাম [বন্ধনী-মধ্যে]
ও পৃষ্ঠাক-সহ তাহা নীচে মুদ্রিত হইল—

খেলা-ভোলা	প্রবাসী	কার্তিক	১৩২৮। ১২২
জ্যোতিষী [নক্ষত্রতত্ত্ব]	মৌচাক	কার্তিক	১৩২৮
	প্রবাসী। 'কষ্টিপাথর'	পৌষ	১৩২৮। ৩৪৪
ভালগাছ	রংমশাল		১৩২২
পথহারা	শ্রেয়সী	বৈশাখ	১৩২২। ২
পুতুল ভাঙা [শাস্তি]	মৌচাক	কার্তিক	১৩২৮
	প্রবাসী। 'কষ্টিপাথর'	পৌষ	১৩২৮। ৩৪২
বাণীবিনিময়	বঙ্গবাণী	ফাল্গুন	১৩২৮
	প্রবাসী। 'কষ্টিপাথর'	চৈত্র	১৩২৮। ৭৮৪
বুড়ি	সন্দেশ	অগ্রহায়ণ	১৩২৮
	প্রবাসী। 'কষ্টিপাথর'	পৌষ	১৩২৮। ৩৪২
বৃষ্টি রোক্ত	সন্দেশ	ভাদ্র	১৩২২। ১৫৮
	প্রবাসী। 'কষ্টিপাথর'	আশ্বিন	১৩২২। ৮৫২
মনে পড়া [মা-হারা]	মৌচাক	কার্তিক	১৩২৮
	প্রবাসী। 'কষ্টিপাথর'	পৌষ	১৩২৮। ৩৪২
মুখ [মুখ]	মৌচাক	কার্তিক	১৩২৮
	প্রবাসী। 'কষ্টিপাথর'	পৌষ	১৩২৮। ৩৪২
রবিবার	মৌচাক	কার্তিক	১৩২৮
	প্রবাসী। 'কষ্টিপাথর'	পৌষ	১৩২৮। ৩৪১
শিশু ভোলানাথ	প্রবাসী	মাঘ	১৩২৮। ৪৫১
সংশয়ী	শ্রেয়সী	শ্রাবণ	১৩২২। ৩৩
সময়হারা	সন্দেশ	বৈশাখ	১৩৩০
সাত-সমুদ্র পারে	মৌচাক	কার্তিক	১৩২৮
[বাতাস আয়োজন]	প্রবাসী। 'কষ্টিপাথর'	পৌষ	১৩২৮। ৩৪৩

মাঘ ১৩৮৭ সালে মুদ্রিত সংশোধিত পাঠ :

কবিতার নাম	পৃষ্ঠা	ছত্র	পূর্বপাঠ	সংশোধিত পাঠ
ছগোয়ানী	৩৫	১৭	শালিকরা	শালিকরা (রবীন্দ্র-রচনাবলী প্রথম সংস্করণ অনুসারে)
বৃষ্টি বোম্ব	৮৪	১৪	ফাঁক ধরে বার	ফাঁক ধরে ওই (রবীন্দ্র-রচনাবলী প্রথম সংস্করণ ও স্বতন্ত্র গ্রন্থের প্রথম সংস্করণ অনুসারে)

বর্তমান মুদ্রণেও (আষাঢ় ১৩২০) গৃহীত সংশোধিত পাঠ :

পুতুলভাঙা	২২	২	সকাল-সাঁঝে	সকাল-সাঁঝে (স্বতন্ত্র গ্রন্থের প্রথম সংস্করণ ও রবীন্দ্র- রচনাবলী প্রথম সংস্করণের পাঠ)
বৃষ্টি বোম্ব	৮২	৫	সূর্যকে	সূর্যকে
			২০ খ্যাদন-কুকুর	খ্যাদন-কুকুর (সন্দেশ পত্রিকা ও গ্রন্থের প্রথম সংস্করণ অনুসারে)



মূল্য ১৭০০ টাকা।
ISBN-81-7522-048-1

